

**Каноны 4: воскресен со ирмосом на 4, крестовоскресен на два, и Богородице на два, и всем святым на 6.**

### **Канон воскресен, глас 8.**

#### **Песнь 1.**

**Ирмос:** Колесницегонителя фарао́ня погрузи́,/ чудотвори́й иногд́а/ Моисейский жезл, крестообра́зно поразив́,/ и раздели́в мо́ре,/ Израиля же беглеца, пешехо́дца спасе́, // песнь Бо́гови воспева́ющая.

**Катавасия:** Отв́ерзу уста́ моя,/ и напо́лнятся Ду́ха,/ и сло́во отры́гну Цари́це Ма́тери,/ и явлю́ся свѣтло торжеству́я, // и воспою́ раду́ясь То́я чудеса́.

#### **Песнь 3.**

**Ирмос:** Утвержде́й в начале небеса́ ра́зумом,/ и землю на водах основа́вый,/ на камени мя Христе, заповедей Твои́х утверди́,/ яко несть свят, па́че Тебе // еди́не Человеколю́бче.

**Катавасия:** Твоя́ песносло́вцы, Богоро́дице,/ живы́й и незави́стный исто́чнице,/ лик себе́ совоку́пльшия, духо́вно утверди́:/ в Божѣственной Тво́ей сла́ве // венце́в сла́вы сподо́би.

#### **Песнь 4.**

**Ирмос:** Ты моя крепость Го́споди,/ Ты моя и си́ла,/ Ты мой Бог, Ты мое ра́дование,/ не оставль не́дра Отча,/ и нашу нищету́ посетив́./ Тем с пророком Аввакумом зову́ Ти: // силе Твоей сла́ва Человеколю́бче.

**Катавасия:** Седя́й в сла́ве,/ на престо́ле Божества́,/ во о́блаце лёгце/ при́иде Иису́с Пребоже́ственный,/ нетле́нною длáнию,/ и спасе́ зову́щия: // сла́ва, Христе́, си́ле Тво́ей.

## Песнь 5.

**Ирмос:** Вскую мя отринул еси/ от лица Твоего свете незаходимый,/ и покрыла мя есть чуждая тьма окаяннаго?/ Но обрати мя, и к свету заповедей Твоих// пути моя направи, молюся.

**Катавасия:** Ужасошася всяческая/ о Божественной славе Твоей:/ Ты бо, Неискусобрачная Дево,/ имела еси во утробе над всеми Бога/ и родила еси безлетнаго Сына,/ всем воспевающим Тя// мир подавающая.

## Песнь 6.

**Ирмос:** Очисти мя Спасе,/ многа бо беззакония моя,/ и из глубины зол возведи, молюся:/ к Тебе бо возопих, и услыши мя// Боже спасения моего.

**Катавасия:** Божественное сие и всечестное/ совершающе празднество,/ богомудрии, Богоматере/, приидите, руками восплещим,// от Нея рождагося Бога славим.

## КОНДАК СВЯТЫХ, ГЛАС 8:

**Я**ко начатки естества, Насадителю твари,/ вселенная приносит Ти Господи богоносныя мученики./ Тех молитвами в мире глубоце// Церковь Твою, жительство Твое, Богородицею соблюди Многоим-лостиве.

## Песнь 7.

**Ирмос:** Божия снизхождения/ огонь устыдися в Вавилоне иногда./ Сего ради отроцы в печи, радованною ногою/ яко во цветнице ликующе, пояху:// благословен еси Боже отец наших.

**Катавасия:** Не послужиша твѣри богомудрии/ паче Создѣвшаго,/ но ѳгненное прещѣние мужески поправше,/ радовахуся поюще:// препѣтый отцѣв Господь и Бог благословѣн еси.

### Песнь 8.

**Ирмос:** Седмерицею пещь/ халдейский мучитель богочестивым неистовно разжжѣ:/ силою же лучшею спасены сия видев,/ Творцу и Избавителю вопияше:/ отроцы благословите, священницы воспойте,// людие превозносите во вся веки.

**Хвалим, благословим, поклоняемся Господеви, поюще и превозносяще во вся веки.**

**Катавасия:** Отроки благочестивыя в пещи/ Рождество Богородичо спасло есть;/ тогда убо образуемое,/ ныне же действуемое,/ вселенную всю воздвизает пѣти Тебѣ:/ Господа пойте делѣ// и превозносите Его во вся веки

**Таже поем: Честнейшую:**

**1. Величит душа Моя Господа,/ и возрадовася дух Мой о Боже Спасе моем.**

**Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.**

**2. Яко призре на смирение рабы Своея,/ се бо от ныне ублажат Мя вси роди.**

**3. Яко сотвори Мне величие Сильный,/ и свято имя Его, и милость Его в роды родов боящимся Его.**

**4. Сотвори державу мышцею Своею:/ расточи гордыя мыслию сердца их.**

- 5.** Низложи сильныя со престол и вознесе смиренныя;/ алчущия исполни благ и богатящихся отпусти тщи.
- 6.** Восприят Израиля отрока Своего, помянути милости,/ якоже глагола ко отцем нашим, Аврааму и семени его, даже до века.

**Катавасия 9:** Всяк земнорóдный/ да взыграется Духом просвещáемь,/ да торжествует же безплóтных умóв естество,/ почитающее священное торжество́ Богомáтере,/ и да вопиёт:/ радуйся Всеблажéнная// Богородице, Чíстая Приснодéво.

### Песнь 9.

**Ирмос:** Ужасеся о сем нéбо,/ и земли удивíшася концы́,/ яко Бог явился человеком плóтски,/ и чрево Твое бысть прострáннейшее небéс./ Тём Тя́ Богорóдицу,// ангелов и человек чиновачáлия величают.

**Катавасия:** Всяк земнорóдный/ да взыграется, Духом просвещáемь,/ да торжествует же безплóтных умóв естество,/ почитающее священное торжество́ Богомáтере,/ и да вопиёт:/ радуйся, Всеблажéнная// Богорóдице, Чíстая Приснодéво.

**Свят Господь Бог наш: поем по гласу.**

## НА ХВАЛИТЕХ СТИХИРЫ ВОСКРЕСНЫЕ, ГЛАС 8:

**1. Стих:** Сотворити в них суд написан:/ слава сия будет всёму преподобным Его.

**Г**осподи, аще и судилищу предстал еси от Пилата судимый,/ но не отступил еси от престола со Отцем седя:/ и воскрес из мертвых,/ мир свободил еси от работы чуждаго, // яко Щедр и Человеколюбец.

**2. Стих:** Хвалите Бога во святых Его,/ хвалите Его в утверждении силы Его.

**Г**осподи, оружие на диавола Крест Твой дал еси нам:/ трепещет бо и трясется, не терпя взирати на силу Его:/ яко мертвые возоставляет, и смерть упраздни. // Сего ради поклоняемся погребению Твоему и востанию.

**3. Стих:** Хвалите Его на силах Его, хвалите Его по множеству величества Его.

Господи, аще и яко мертва во гробе иудеи положиша: но яко Царя спяща воины Тя стражаху, и яко живота сокровище, печатью печаташа: но воскресл еси, и подал еси нетление душам нашим.

**4. Стих:** Хвалите Его во гласе трубнем: хвалите Его во псалтири и гуслех.

Ангел Твой Господи, Воскресение проповедавый, стражи убо устраши, женам же возгласи глаголя: что ищете Живаго с мертвыми; воскресе Бог сый, и вселенней жизнь дарова.

**5. Стих:** Хвалите Его в тимпане и лице, хвалите Его во струнах и органе.

Пострадал еси Крестом, Безстрастный Божеством, погребение приял еси тридневное, да нас свободиши от работы вражия, и обезсмертив оживотвориши нас Христе Боже, воскресением Твоим Человеколюбче.

## ИНЫ СТИХИРЫ ВСЕМ СВЯТЫМ, ГЛАС 4.

Подобен: «Яко добля»:

**6. Стих:** Хвалите Его в кимвалех доброгласных, хвалите Его в кимвалех восклицаня./ Всякое дыхание да хвалит Гóспода.

**С**вятыя Господь иже на земли удиви:/ Того бо раны и страдания в плоти восприяша,/ в сих красящися, и божественными удобреньми явленно удобряеми:/ яже воспоим яко неувядающия цветы,/ яко звезды непрелестныя Цёркве, // яко вольная заколёния.

**7. Стих:** Воззваша праведнии,/ и Господь услыша их.

**С** пророки апостоли,/ с преподобными учителяи,/ со священномученики вси праведнии,/ и жен пострадавшее,/ и любовью постившееся святых множество,/ и праведных чинове,/ да восхвалятся священными пёсньми,/ яко горняго Царствия наслёдницы, // яко рая жи-телие.

**8. Стих:** Дивен Бог во святых Своих,/ Бог Израилев.

**И**же землю онебесившии добродетелей светлостию, иже Христову смерть подражавшии, безсмертия ходатайственный путь шествовавшии, иже страсти человеком рукодействием благодати очистившии, иже во всем мире единодушно страдальчествовавшии, доблественне да восхвалятся мученицы.